

## 黄金周攻略@广州

策划:路菲、曾敏妍

统筹:曾敏妍

执行:饶禧、黄译莹、郭玮、

秦丽莹、汤唯闻、张子殷

“十一”黄金周又准备到啦!如果你未有plan出去玩,或者未论到去边度玩,咁我哋就定个位:广州!贴心嘅可乐君搜罗咗一份新鲜好玩攻略,等大家get到至新至IN嘅好玩资讯,喺广州可以玩得舒适、食得招积。



## 移动live show

广州巴士仲推出“音乐茶歇”主题巴士,听住动人嘅音乐,喺水马龙嘅街道上游车河,路边嘅风景不停变换,冇乜比呢趟旅程更浪漫。拉风嘅音乐茶歇双层巴士上,摆放住复古嘅蓝色座椅同埋小型音乐舞台,每个月都会邀请本土音乐团队、音乐学院来演出,唔同嘅音乐主题同歌单轮流上演,开启一场移动live show。巴士从舒适安静嘅二沙岛出发,喺蓝天白云下,将广州塔、有轨电车、CBD高楼等标志性景色尽收眼底。茶歇餐品有广州传统特色嘅鸡仔饼、豆沙,仲用广州市花木棉花来做特调,把广式风味玩到极致。想放松又想舒适嘅朋友,不妨嚟翻趟音乐茶歇巴士之旅啦,感受另一种巴士city walk!

对于广东人来讲,饮早茶係一种享受。最近,广州巴士集团推出咗“如约华夏,印象广州”文旅专线主题车,将早茶带上双层巴士,边品味粤式美食,边打卡广府靓景,享受双倍快乐。一于跟住可乐君嘅步伐,齐齐体验下啦!

饶禧/文 黄译莹/图 饶禧/图

坐巴士叹早茶  
浪漫巴士Citywalk

图片来源:广州观光巴士公众号

## 视觉味觉齐满足

巴士启动后,工作人员会送上粤式早茶食盒。外盒上有精致嘅雕花,内里每一层都有唔同惊喜。三层食盒里面,有各种各样嘅正宗粤式点心:皮薄馅靓嘅虾饺,浓虾味充斥口腔;仲有大粒烧麦,一啖饱肚满足;同埋蜜汁老娘黑叉烧,蜜汁浓郁入口即化……带着呢啲“移动”一盅两件,食住早茶,望着窗外嘅靓景,体验视觉和味觉嘅双重享受。这趟文旅专线每日有两班次,分别係早上9:00至11:00和11:30至13:30,感兴趣嘅朋友可以登陆“巴士文旅”小程序了解啦。



## 浪漫粤式之旅

这趟独特嘅文旅专线,用最醒目嘅红色作为双层巴士主色,车身印着海珠桥、小蛮腰等羊城地标建筑。车门贴住“品广府文化、叹粤式茶点”,瞬间成为“行走的焦点”。进入车内,映入眼帘嘅係熟悉嘅满洲窗、古色古香嘅卡座,充满广府味。巴士二楼有360°全景天窗,令大家沉浸式欣赏羊城美景,随时随地影出靓相。穿梭咗广州大马路上,同西关大屋、广式骑楼并肩,从高处饱览滨江风景。车程全程耗时一个半钟,途经北京路、万福路、沿江等老城区经典路段。行到边讲解员就讲到边,把沿途嘅广府文化全部话你知,身临其境地体验粤式city walk啦!

## 专线巴士带你游车河



广州新奇嘅巴士Next Level,除咗可以坐巴士叹早茶,阔别两年嘅广州观光巴士亦都强势回归!从上个月开始,三条专线已经进入试运行阶段,但咁分别係:西关风情线、千年古城线、城市新中轴线,沿途会经过多个羊城网红地标。趁住好天不妨约埋亲戚朋友,坐上观光巴士,喺广州吃喝玩乐一整日啦。

饶禧/文 广州观光巴士、饶禧/图



## 巴士全面升级

**大景天窗**。今次专线巴士选择咗大玻璃窗同埋全景天窗结合,坐喺里面嘅乘客,抬头即可沉浸式欣赏广州靓景。搭配着蓝天白云,同地标建筑相搭,感受不一样嘅广州。

**无限次上车**。巴士嘅三条专线实行“一票通”,即係大家只需要购买一张票就可以全线游玩。加上“24小时HOP ON HOP OFF”(随上随下)嘅设定,游客嘅买完车票并激活后,可以嚟接落来嘅24个钟内无限次上落车。嚟固定站点即可换成另一台专线,再次搭车前往下一个景点。

**贴身式导游**。车内嘅座位上配备专业景点讲解器,每到一个站点耳机都会相应响起详细解说词,令大家可以更了解羊城历史文化。游客仲可以获得一个“国际化”贴身导游,根据需求可以选择普通话、粤语、英语、俄语、西班牙语等八种语言。登陆微信公众号“广州观光巴士”即可购票,心动即可行动!

## 城市新中轴线

营业时间:9:30-17:00

18:30--21:00(夜景线)

这条线是由“城市新中轴线”同“中轴夜景线”合并而成嘅,线路加长,从广州塔出发,途经海心沙、珠江新城等广州地标,尽情展现广州嘅新都市风貌。沿着长长嘅江边,可以见到独特嘅骑楼、充满风土人情嘅街道……入夜后嘅CBD建筑群更係霓虹闪烁,灯火迷人。

**景点推荐:**

【广州塔】广州地标建筑,入夜后嘅广州塔五彩斑斓,游玩必打卡点之一。

【中山大学】广东省最高学府,远离城市喧嚣,漫步校园感受书香气息。

【星海音乐厅】作为城市音乐文化地标,喺现场高度沉浸式感受一场动听音乐会。

**换乘站:**“大沙头游船码头”站可以换乘“千年古城线”。



## 城市新中轴线 黄线 9:30-17:00

站号	站牌名称	停靠位置
1	广州塔	位于艺苑西路,广州塔南广场旁
2	广州塔西	位于艺苑西路,广州塔地铁站A出口
3	中山大学	位于滨江东路,中大北门隧道入口向东约70米
4	大沙头游船码头	位于沿江东路,东行大沙头公交站旁
5	星海音乐厅	位于晴波路,星海音乐厅正门对面
6	海心沙亚运公园	位于临江大道,花城广场西面路口,海心沙亚运公园开闭段
7	广州国际金融中心	位于珠江西路,西塔南面,广州国际金融中心公交站旁
8	天河购物中心	位于天河路,天河体育中心东行1号公交站旁

## 千年古城线

营业时间:9:30-17:00

由广州动物园出发,终点为黄花岗嘅“千年古城线”,被大家称为“红线”。广州作为一座英雄城,係中国近代民主革命策源地,而呢条线路就串联多个历史古迹,途经著名红色旅游景点有中山纪念馆、广州起义烈士陵园、黄花岗公园等。坐落集历史、文化、自然于一体嘅观光巴士上,感受羊城千年文化。



## 千年古城线 红线 9:30-17:00

站号	站牌名称	停靠位置
1	广州动物园	位于先烈中路,广东省微生物研究所旁
2	横枝岗(广州艺术博物馆)	位于横福路,横枝岗公交站旁
3	中山纪念馆	位于东风中路,中山纪念馆南门向西约10米
4	南越王博物馆	位于解放北路,南行解放北路公交站旁
5	北京路步行街	位于万福路,西行万福路公交站旁
6	天字码头	位于沿江中路,东行天字码头公交站旁
7	大沙头游船码头	位于沿江东路,东行大沙头公交站旁
8	东湖公园(中共三大纪念馆)	位于东湖路,东湖公园西北门旁
9	烈士陵园	位于中山三路,烈士陵园公交站旁
10	农讲所	位于中山四路,农讲所公交站旁
11	黄花岗公园	位于先烈中路,北行黄花岗公交站旁

**景点推荐:**

【广州动物园】广州海洋馆焕新回归,升呢雨林探秘、奇幻之境、精灵海湾、未来海四大主题展区;广州动物园,同“明星”熊猫兄弟、“发型师”阿航合打打卡。

【中山纪念馆】体验独特嘅建筑设计,睇高空俯瞰“中”字,地面平视“山”字。

【天字码头】可以搭船喝茶,享受老广慢生活。

**换乘站:**在“北京路步行街”站可换乘“西关风情线”,“大沙头游船码头”站可换乘“城市新中轴线”。

## 西关风情线 蓝线 9:30-17:00

站号	站牌名称	停靠位置
1	北京路步行街	位于万福路,西行万福路公交站旁
2	城隍庙	位于中山四路,西行行行公交站旁
3	六榕寺	位于中山六路,西行中山六路公交站旁
4	光孝寺	位于中山六路,西行中山六路(西)口公交站旁
5	陈家祠	位于中山七路,西行陈家祠公交站旁
6	荔枝湾老街	位于龙津西路,南行津南公交站旁
7	荔湾博物馆	位于龙津西路,龙津桥南约100米
8	粤剧艺术博物馆(永庆坊)	位于恩宁路,逢源路向东约90米
9	永庆坊	位于恩宁路,逢源路向南约90米
10	上下九步行街	位于第十甫路,逢源桥南约100米
11	沙面(黄沙海鲜食街)	位于黄沙大道,东行黄沙海鲜食街公交站旁
12	沙面欧式建筑群	位于西堤白鹅潭,人民桥南
13	西堤码头(轮渡码头)	位于沿江南路,东行南方大厦公交站旁
14	石室圣心大教堂	位于沿江南路,东行南关路口公交站旁
15	海珠广场	位于一德路,东行海珠广场(一德东)公交站旁



## 西关风情线

营业时间:9:30-17:00

正所谓“食在广州,味在西关”,西关风情线从北京路步行街为起点,途经历史韵味浓厚嘅永庆坊,再到充满异城风情嘅沙面,最后终点到海珠广场。咁兼具美食、美景嘅西关,大家可以去打卡老字号,亦都可以睇到西关大屋,一条线体验传统与现代嘅独特魅力。

**景点推荐:**

【北京路步行街】游玩必逛地之一,集时尚、美食、娱乐于一体,了解广州步行街历史,品尝广式特色美食。

【陈家祠】有“羊城八景”“岭南艺术建筑的明珠”嘅称号,近距离体验岭南建筑装饰艺术之美。

【荔湾博物馆】欣赏广州最美旋转楼梯,体验复古又典雅嘅建筑设计。

【沙面】拥有独特嘅欧陆风情建筑,打卡影相出片地。

**换乘站:**在“北京路步行街”站可换乘“千年古城线”。